

凌源縣志卷

人物

孔子云十室之邑必有忠信可見生賢之美不以邑小而限之說况幅員之廣如凌源者乎月

華凌水之間鍾靈挹秀自來不乏人昌黎之孫泳榆州之侯

神童引類而推之或為文學或為武功或為善慈或為俠義與夫一切資觀今豈異於古所云職隆名且動於婦孺

定論早決於蓋棺比類次特而書之以為誠激發已斯人志氣之一助

風者之助也志人物

晉

孫泳昌黎人案前燕慕容氏時昌黎郡先在渝水下流為今東大城子咸康三年後徙昌黎郡築好城以逼

乙連其地屬龍城
在今八溝東境

咸康四年趙率衆來伐朝鮮令泳率

衆拒趙大姓王清等密謀內應泳收斬之同謀數百人

惶懼請罪泳皆赦之與同拒守儁二年伐趙趙征東將

軍鄧恒焚倉庫棄安樂遁去都尉泳急入安樂撲滅餘

火籍其穀帛儁以泳為廣寧太守

十六國春見承德
秋前燕錄府志

劉斌昌黎人為慕容廆典機要咸康二年誡遣斌送王齊

等於建康儁二年伐趙留世子守龍城以內使斌為大

司農與典書令皇甫真留統後軍

見前
燕錄

韓宰昌黎人仕慕容儁為謁者僕射揚威將軍前燕錄

谷哀昌黎人膂力兼人彎弓三百觔勇冠當時仕垂至廣武

將軍

後燕錄

北魏

谷渾字元冲昌黎人也父哀勇冠一時渾少有父風任俠好義以父母在常自退抑晚乃折節受經業被服類儒者以善隸書為內侍左右遷前鋒將軍世祖即位從征赫連昌遷侍中安南將軍領儀曹尚書賜爵濮陽公渾正直有操行性不苟合趨舍不與已同者視之蔑如也然不以富貴驕人時以此稱之卒謚文宣

魏書本傳

韓秀字白虎昌黎人也祖宰父昞秀歷遷尚書郎賜爵遂拜
昌子拜廣武將軍高宗稱秀聰敏清辯才任喉舌命掌機
密延興中尚書奏以敦煌一鎮介遠西北欲移就涼州秀
獨謂徙就姑臧慮人懷異意乃從秀議太和初遷內侍長
後為平東將軍青州刺史假漁陽公在州數年卒子務襲

爵
魏書
本傳

孫紹字世慶昌黎人世仕慕容氏祖志入國父協字文和紹
少好學陰陽術數多所貫涉初為校書郎稍遷給事中朝
廷大事好言得失遂為世知與常景等共修律令性抗直

每上封事懇不憚犯忤兄世元早卒善彈箏紹後聞箏聲
便涕泗嗚咽世以此尚之曾與百寮赴朝東掖未開紹於
衆中引吏部郎中辛雄竊謂之曰此中諸人尋當死盡唯
吾與卿猶享富貴雄甚駭愕未幾有河陰之難紹善推祿
命事驗甚多遷左衛將軍右光祿大夫卒謚曰宣

魏書
本傳

北周

怡峯字景阜遼西人

按縣東境屬遼西北周時無遼郡號自隋書地理志始稱遼西郡舊置營州統

柳城周書成於隋代當時為怡峯立傳或即現在所置地書之本姓默台因避難改焉高

高寬燕遼西郡守魏道武時率戶歸朝曾祖文峯少從征

役以驍勇聞永安中為都將討万俟醜奴以功授給事中
明威將軍轉征虜將軍都督齊神武與魏孝武構隙太祖
令峯率輕騎赴洛陽至潼關值魏西遷即從太祖回洛復
潼關拜安東將軍華州刺史尋轉大都督討曹泥進爵華
陽郡公從破竇泰威名轉盛授開府儀同三司拜夏州刺
史討劉平伏有功東魏圍潁川赴援至南陽疾卒峯沉毅
有膽略得士心太祖嗟悼久之諡曰襄威子昂光春

周書
本傳

遼

劉繼文字敏素太原人也為五代漢劉知遠弟彥崇之孫贊

之子乾佑二年漢祖崩又二年隱帝遇害祚移於周崇乃
稱帝於太原遣使報遼約為父子遼冊為大漢神武皇帝
子承鈞嗣天會六年遣文質於遼文在漢家人諸子中稱
獨賢有文武才居遼十二年備歷險阻卒感遼主勅以衣
錦還封彭城郡開國公繼恩既弑設張昭敏說大臣郭無
威立文為嗣君東漢之祚可望不促郭不能用遂致宋師
一臨繼元歸命文獨恥作降將軍拋妻子偕盧俊奔遼封彭
城郡王妻以太傅耿紹紀之女未幾卒年三十二遼主臨朝
嗟悼之乃勅宜霸二州共營葬禮吁如文者亦一代人傑

也吳任臣十六國春秋稱其魁梧有氣局沉毅寡言才堪

禦侮有以夫

初稿有碑
見藝文

金

關獸金之解州人也授武略將軍利州節使遂家焉子士政

仕金

官至修武校尉孫曾相繼分軍民之寄受官爵者二十人

其五世孫肅繼守利州時金運將終元兵大至與城俱陷

乃降旋以功仍授利州節使關氏一族貴顯蕃昌冠於金

鼎實所罕見

初稿

按關氏金元列傳皆不載元史天祥傳稱會契丹漢軍擒

關肅下利州肅之名始一見惟墓碑祇稱肅迎降元兵事
蓋諱之也

郭侯字伯有潭州人大定二十二年進士調長主簿萊州觀
察判官萊陽縣令補尚書省令史知管差除除大理寺司
直太常博士左司都事御史臺舉侯才幹可用詔升一等
除平陽府治中久之召為同知登聞鼓院兼祕書丞遷禮
部郎中滕州刺史同知真定府事上言每季合注巡尉官
吏刑兩部斟酌盜賊多寡處選注詔議行之大安元年遷
遼東按察轉運使貞祐三年罷按察轉運使改中都路都

轉運使泰定軍節度使陝西東路按察轉運使貞祐三年
罷按察司仍充本路轉運使行六部尚書改河北西路轉

運致仕卒

金史
本傳

王維翰字之翰利州龍山人父庭燎曾率縣人保縣東山後
以衆降維翰好學不倦中大定二十八年進士調貴德州

軍事判官察廉遷永霸令縣豪設事陳訴維翰窮竟其詐
杖殺之健訟哀息佐胥持國治河決有勞遷一階改北京
轉運戶籍判官補尚書省令史除同知保靜軍節度使事
檢括戶籍一郡稱平屬縣有奴殺主人誣主人弟殺者維

翰微行物色得其狀奴遂引服攝侍御史奏事殿中章宗
曰佳卿史就除侍御史布色揆伐宋維翰行省左右司郎
中泰和七年河南旱蝗詔維翰體究田禾分數以聞八年
宋人受盟上問復背盟否維翰對曰宋主怠於政事兩淮
千里蕭條其臣無敢執咎者不足憂也惟北方當勞聖慮
耳權右諫議大夫三司欲稅閒架維翰諫不聽轉御史中
丞遷工部尚書兼大理卿改刑部尚書拜參知政事貞祐
初罷為定海軍節度使鎮無兵備鄰郡皆望風奔潰維翰
謂吏民曰孤城不可守此州阻山浮海當有生地無俱為

魚肉也乃縱百姓避難維翰率吏民願從者奔東北山結

營堡自守力窮被執不屈死詔贈中奉大夫

金史本傳

冀禹錫字京父龍山人崇慶二年進士調沈邱主簿與令不相能令以贓敗疑京父發之賂權貴誣京父以賓客依託之事坐廢十年朝臣薦其才者數十人終為銓曹所礙居襄邑部使者起之旁近諸縣所至有父母之愛農司治許昌又為主事區處餽餉上下千餘里不露聲迹而條理次第皆具雖零雜米鹽若不足經意者問之應如指掌時人多自以為不及也正大中當路諸公力辯其被誣乃得以

常調守扶風丞召補省掾不就歸德奏充知事及城被攻
京父為經歷官守禦之策一府倚重之車駕至授左右司
都事兼應奉翰林文字官奴之變家人勸京父羸服免禍
不從有自外至者曰禁中賊滿矣乃自投水中

中州集
小傳

冀

禹錫字京父惠州龍山人幼聰敏絕倫年十九擢大興魁入
太學有聲弱冠登高第時號得人入仕以能稱遇事風生
老吏莫及初任沈邱簿以年少喜交遊飲酒遂為令所乘
坐廢再調考柘二城皆主簿又以治聞由前過終不得京
官朝士系薦為當途所沮得扶風丞因客睢陽為行樞院

密

張姓

人年

參證

以機

堂嚴

盛

隱

微

許

無

始

其

碑

辟為都事末帝東遷擢為應奉翰林文字充尚書省都事

廉察官奴之變與宰相李蹊同見殺年四十三京父詩鍛

鍊甚工寫畫亦勁健可喜散文亦精緻歸潛志 案遼金二史地理志惠州

下並無龍山縣歸潛志言惠州當是利州之誤

侯金鼎利州神童元好問詩集 案元好問詩贈利州侯神童詩集兒字金鼎生十四月識字予見時

生二十一月識字無算神童之名無考姑以字列之

元

史天祥為史秉直從子父懷德燕人也降元從太師國王穆

呼里伐金所向有功進攻北京即大傍近諸寨諭樓子崖

等二十餘寨來降惟乾河當是邑南臨榆縣之乾溝達魯五指山楊

兆努在雲山洞南近乾溝固守不下天祥擊之大小百餘戰兆努死

達魯敗走復聚眾攻龍山今白塔子蒙古名喀喇城即龍山縣也復大敗之

達魯戰死旋會契丹漢軍擒關肅除利州今大城子節度其破

賀蘭山也還遇賊射傷額出血目為之昏歸北京乞致仕

不允太宗用兵河南強之從轉漕河上給餉諸軍肅宗時

金創再發箭簇自口出帝憫之授海濱和眾利州等處總

管兼領霸州御衣局工匠都達魯噶齊舊作達魯花赤今改正行北

京七路兵馬都元帥府事憲宗即位仍舊職以疾卒摘自

本傳

按史非本境人以其事功多有與本境相關者故載之

不載

關肅武畧將軍猷之玄孫也器識高朗勇略過人為金守利

州元大師國王穆呼里以史天祥會契丹漢軍攻之城遂

下肅降穆呼里命以所部南下中原累獲戰功師旋朝太

祖於禾林寵以金符授利州節使族姓子仲禮授節副兵

燹之後戶口蕭條肅仲禮撫^以恩利以廣招徠不數月間城

郭內外炊烟彌望張致僭號錦州以兵二千奄至城下肅

仲禮以城兵祇數百人戰守俱困知勢不敵誓同報國開